

Broj: UP1-06-13-1-250-5/23
Mostar, 23.2.2024. godine

Na osnovu člana 42. Zakona o električnoj energiji u Federaciji Bosne i Hercegovine („Službene novine Federacije BiH“ broj 66/13, 94/15, 54/19, 1/22 i 61/22), člana 173. stav (1) Zakona o električnoj energiji Federacije Bosne i Hercegovine („Službene novine Federacije BiH“ broj 60/23), člana 20. stav (2) Zakona o korištenju obnovljivih izvora energije i efikasne kogeneracije („Službene novine Federacije BiH“ broj 70/13 i 5/14), člana 17. Pravilnika o sticanju statusa kvalifikovanog proizvođača električne energije („Službene novine Federacije BiH“ broj 85/23 i 94/23), postupajući po Zahtjevu za sticanje statusa kvalifikovanog proizvođača broj UP1-06-13-1-250-1/23 od 20.11.2023. godine podnosioca zahtjeva „ECO ENERGY“ d.o.o. Gračanica, ul. Sarajevska br. 1, Gračanica, zastupanog po zakonskom zastupniku Muameru Jaroviću, Regulatorna komisija za energiju u Federaciji Bosne i Hercegovine – FERK je 23.2.2024. godine na V redovnoj sjednici donijela sljedeće

R J E Š E N J E

1. Utvrđuje se „ECO ENERGY“ d.o.o. Gračanica, status kvalifikovanog proizvođača električne energije u proizvodnom objektu solarna fotonaponska elektrana „BKS“.
2. Status kvalifikovanog proizvođača električne energije iz tačke 1. ovog rješenja važi od 26.3.2024. godine do 25.3.2039. godine, te obrazac o statusu kvalifikovanog proizvođača električne energije čini sastavni dio ovog rješenja.
3. Ovo rješenje je konačno, te se objavljuje na službenoj internet stranici FERK-a.

O b r a z l o ž e n j e

Dana 20.11.2023. godine FERK je od podnosioca „ECO ENERGY“ d.o.o. Gračanica primio Zahtjev za sticanje statusa kvalifikovanog proizvođača električne energije pod brojem UP1-06-13-1-250-1/23, u proizvodnom objektu solarna fotonaponska elektrana „BKS“.

Prilikom pregleda potpunosti podnesenog zahtjeva, u skladu sa članom 9. Pravilnika o javnim raspravama i rješavanju zahtjeva, sporova i žalbi („Službene novine Federacije BiH“ broj 53/14), FERK je utvrdio da podneseni zahtjev nije potpun u smislu člana 9., člana 10. i člana 11. Pravilnika o sticanju statusa kvalifikovanog proizvođača električne energije. Zbog navedenog, FERK je postupajući u skladu sa članom 10. Pravilnika o javnim raspravama i rješavanju zahtjeva, sporova i žalbi uputio podnosiocu zahtjeva Obavještenje o nedostacima podnesenog Zahtjeva za sticanje statusa kvalifikovanog proizvođača broj UP1-06-13-1-250-2/23 od 14.12.2023. godine, te mu odredio rok radi otklanjanja u obavještenju naznačenih nedostataka i upozorio ga na posljedicu propuštanja. Postupajući po obavještenju, podnosilac zahtjeva je dostavio dopis primljen u FERK 27.12.2023. godine pod brojem UP1-06-13-1-250-3/23, te dopis primljen u FERK 25.1.2024. godine pod brojem UP1-06-13-1-250-4/23 uz koje je dostavio traženu dokumentaciju i obrazloženja, a na osnovu kojih je FERK utvrdio da je podneseni zahtjev potpun.

Na osnovu obrade Zahtjeva za sticanje statusa kvalifikovanog proizvođača električne energije podnosioca „ECO ENERGY“ d.o.o. Gračanica i dokumentacije priložene uz zahtjev,

utvrđeno je da podnosilac zahtjeva ispunjava uslove za sticanja statusa kvalifikovanog proizvođača električne energije iz člana 6. Pravilnika o sticanju statusa kvalifikovanog proizvođača električne energije, u proizvodnom objektu solarna fotonaponska elektrana „BKS“.

Na osnovu navedenog, odlučeno je kao u dispozitivu ovog rješenja.

POUKA O PRAVNOM LIJEKU:

Protiv ovog rješenja podnosilac zahtjeva može tužbom pokrenuti upravni spor kod Kantonalnog/Županijskog suda u Mostaru u roku od 30 dana od dana prijema rješenja. Tužba se predaje sudu direktno ili mu se šalje poštom preporučeno. Tužba se može izjaviti i na zapisnik kod navedenog suda ili bilo kojeg drugog suda.

v.d. PREDSEDAVAJUĆEG FERK-a
Jasmin Bešo, s.r.